

馬石田先生集

馬石田先生集

用韓文公會合聯句詩韵

字非元韻蓋祖常荒學不能用
迺祐五年八月作

射操
惟幙田居水春磴城宿霜鳴析
飄泊行歌鮮同歡起舞真獨作
或弱樛木植幢蔭醜石掀獸惡
心恥婦女仁志薄游俠諾校書楊雄官入粟卜式爵
娛情愜禽弄失意被蜂蠹佩履侍殿陛觚牘宴館閣
傭童飼棧駒賤婢占屋鵲上書願封禪監祠議嘗初



紅纓綴花房碧刺冒蕞薄春旗天仗浮秋駕星河酒
補衮子何能懷祿我所忤英名襲蓮炬貴籍謝魚鑰
造謁每赧然循默譬沃若壁蝸涎篆歌穴蟻戰壘却
組繡紅縷連卷盡翠色著卿雲幕邑屋瑞雪塗郭郭
羣儒脩麟經諸將宣豹畧請劒斬樓蘭傳檄喻印笮
賈區紫貝粲酒爐銀甕鑠潑刺鱠翻砧郭索蠚就縛
水戲鬪魚龍山蒐獻熊羆奇服燕姬蛇獠語滇童愕
東郊買鬪鷄西市賣馴鶴宛々綠項鳳濯々紅頭雀
豪僧佛宗開大巫鬼物託迎祥有時和驅厲無旱虐
漕粟大庾盈賦桔崇膚錯圈虎割肉喂鞞鷹搏禽囓

荔丹貢醢閩橘顆苞沔鄂能賦皆郢枝飛翰盡靈駱
未央曲果愚長楊市羽繳閑棋遇咲仙雜劇坐忘癢
欣飛頭虎毛刑官面瓜削朝儀徵魯生廟獻賓商恪
天池漾文波海島通潛壑婦功春蚕溢穡事秋田穫
器美鏤桐梓冶良鑄錢鑄街樾布靈陰觀開翔寥廓
治廷播訓敕清邊禁標掠窮髮炙駝蹄勾麗醢熊脚
詰奸鉏大猾恤隱莪深瘼靈圃白獸游禁蘂黃鵠落
時方追治古事乃絕疇昨巢櫓尚羊裘華門仍蒿箔
周封表鎮望禹畫首河洛聲名惜馬纓音律辨牛鐸
郎署紆銀艾王邸施丹艤轍浚千車馳塵至萬馬躍

碣石入渤澥太行分嶺寧士女工鞏絲王孫帶河橐
清明日月懸統正宇宙拓分行下觀風立聽上宣噩
服官綺纓屬雲衡鄴旁魄牖牖販澤國乳漣給沙漠
木禾神所食石蜜刀乃斫天樞夾杓垣日畿絡雄莫
鼎豈以金濤山豈以銅鑿戴憑席重々周舍言謬々
錫宴屬在鎬咸秩亟祠霍造邦象邵室立法簡漢約
吾生類鳬鷺賤跡雜兔貉囊書爛星芒匣劍瑩霜鏐
雨耕耨頻耨月斲石或搏尋真養三芝求方問五藥
傳奇存山經輿地指井絡悠々秋剪菰晏々春食藿
親歡戲假面客至樂吹簫恃才頗優游使酒漸諧詈

山深木敷榮野迥鶴寂寞檐簷跼槐黃疊袂聯棣萼
移官居旂常職領專錡鑄遮塵帽頂席隨俗屋蓋弱
俸錢具菹醢飲餒嘗背腰孤危衆易傾獨立古難卓
徒跣防毒蛇空拳困狂狴出弊率子裘入舍居士屨
海運知化鷗泥蟠見屈鑊門高譽荀龍才逸薦禰鴞
逍遙投壺歌慷慨擲骰噓有興即騎行無疑豈龜灼
俎豆觀揖讓賓介譔獻酢風標李涵冰日幌櫻衰酪
鄰饑馬通糞市醉羊屠醲耘德鈔礪刃稱藝弩引疆
任情受世疵肆志探古博奏賦始中程諫獵終失度
不念嫠恤緯已謂童舞勺寢興避彈射周折準規矱

名曰先生文集卷一
襍被丘中琴楊舲池上酌桐孫迸空枝竹穉穿石籜
南翁日種漆北地日產柞蓄厚用不贖材衆工豈格
甘泉祠猶清西河居乃索菁莪採衢諫湛露興徒号
帝仁載大興臣詩埒微爚史官詳纂記儲以輶甕柏

壯遊八十韻

十五讀古文二十舞劒器馳獵漆洧間已有丈夫氣
裹糧上嵩高靈竒數天秘燁々三秀芝為我擢繁翠
空青丹銀品伏龜鏤文貝駢羅星辰精附麗日月會
紫鳳友朱鷺翩翩剽翔戲飛閣舒鳥翼懸泉瀉珠琲
磨崖見古刻應是列仙記捫蘿欲登觀苔滑阻凌厲

烟霞蒼蔚濟霧雨蕭颯至余時戴箬冠綠壁照縞袂
檀藥有磐石真人每同憩北臨黃河水濁流觸天沸
蛟龍逐鼃鼉鱗介滿水裔衝波崩金堤萬夫疲穡事
官家憂其勞王馬歲沉祭江淮盡鷁船夜上訶嘒々
魚鹽不直錢寡婦豈拾穗釀酒相呼飲顛倒再拜跪
中心忘嗔訶縱談詆漢魏三十能歌詩鄙薄雕蟲技
不肯學仕宦慷慨負高義持錢送酒家觴至即一醉
羨芼嶰谷筍飯煮山陽糝峨冠擬魯儒短衣真楚製
遠行探禹穴六月剖丹荔巫峽與洞庭彷彿蒼梧帝
三吳震澤區幼婦蛾眉細唱歌攪人心不可久留滯

汧淮達汶泗摩挲泰山礪聖鄉有亡書求道亦容易
童子操觚牘價重麒麟蜀京國天下雄豪英盡一世
舞羽肅文教秦甲飾武備馬跡見騰塵車轍聞戛轆
輦騫天觀起鱗雜井屋綴千畝開靈演馴象浴其汭
我皇拓文場群髦咸戰藝汨予黔婁生言辭罕締繪
但幸晁董死收拾在等第臚傳下閭闔恩澤承滂沛
春雲覆林塘雜花懸火齊詞垣正舒華吹竽獨無喙
執筆御史府羞縮如牡蠣彈評則春秋齟齬夫剖剝
問俗西夏國駟過流沙地馬嚙苜蓿根人衣駱駝毳
鷄鳴麥酒熟木枰薦乾薺浮圖天竺學焚尸取舍利

安寔昆戎居貪鄙何足貴返途歷邠岐原田表古畷
宛々陶穴民艱難謀樹藝驪山葬秦魄茂陵迷漢寢
忝離悲故宮脩竹編清渭日入狐狸驕天陰蟬螻翳
溫泉山津陽古瓦識唐字關河隔山東華岳秋更霽
首陽餓夫薇霜露已憔悴鑄牛挽浮梁恍惚水所噬
晉俗棗齒黃冀馬電蛇駛并陞阨坤維太行逼象緯
煌々日圍近赫々天人瑞田舍植汶篁郵亭擷吳桂
優游逢化國俯仰詠樂歲豈用百二險自乃十一稅
北都上時巡扈蹕浮雲騎宴鎬帳殿移拜洛周廬衛
崑空山櫻繁川曲紅藥膩列障敕勒塞萬里靜烽燧

九節菖蒲良貢篚充藥餌疇昔閉戶居耽讀未見試
三年不窺園自謂五經笥四十得俸祿僅可給美饌
誰能薄淮陽不作鴻臚寺簡書畏懷歸弧矢示初志
振鷺方擢質冥鴻忽垂翅感嘆對囊螢興言友荷蕢
諒非廊廟具頗異市井輩當曳鄧陽裾願擁文侯篋

贈客

疊巘擢蒼蔚繁英繁紛葩銀繭霞已積翠幢栢方遮
劇飲肆豪縱清談宴賓嘉叫嘯虎當嵒趨踰鶴行沙
聯娥聘趙女貫珠唱吳娃露庭汎蘭蕋風闥透窓紗
魚泳文波圓禽翔喬雲斜逸樂諧金石清真况烟霞

洗藥秋汲澗種秫春燒畬寓言託莊列潛心著義竭
所貴丘園賁終然心匪遐

挽林彥栗秀才

女蘿附高松榮華凌衆草猗蘭困蕭艾顏色亦自好
歎彼谷中人絲絢被纖縞生世固不諧埋銘宜有攷

舟中望鄧嶧山

魯雲偃車蓋汶水流魚鱗操舟返任濟川梁號通津
東望鄧嶧山六丁鑿嶧峴靈崑溜泉乳仙遊道霞輶
石髓若可食吾將託茲身

西方樂二首

魯郊秋已深西灤多蒲魚日暮積靄重維舟月生初
露涼水禽宿雨晴艷芙蓉擷花結楚佩宛若湘南居

又

東平西郭外船尾到籬根共歎原田沒兼愁邑屋翻
秋寒雲六雨天晚日初暄野市飢無米流離惜子孫

讀陶潛詩

伯夷恥粟餓屈原避諛死獨有柴桑翁一不失張弛
所以百世下風流激頽靡遐觀八極表浮榮何足數

送袁伯長歸浙東 三首

龍角不如犀常不生馬廐麟趾不如牛終當在君園

我行泰山阿日觀望朝候見子被雲帔家居夾靈鷲
捐之不得近跋慕塵光後

玄圖詳鳥官丹經譜黃銀義媧鑿崆峒羅列大法陳
蔚矣夫子胸如天懸星辰英聲發為辭啗盤龍周幽
王官豈不衆靈席需儒臣安車行有召無弄越水春

鷄鳴戒僕御具食起就塗僅取資給周豈謂車騎都
行過青齊野忍見人迹逋翁姑纍帶索跟胫無完膚
即欲與盤飧但可飽一夫遲去國旌能得不疾驅

貢待制文脩撰王都司同賦牡丹分得色字
名都擅穠華奇葩紛翕葩頰暈紅粉艷囊垂桂蠹蝕

初凝沆瀣水漸展蒲萄織仙綬曳雙環么鳳盤六翼
粲々春奩瑩晶々風燈直可憐照容袖縹緲見顏色

齋宿太社署五首

朱門屹南起金水經北流繚垣外旁達周屋內廣脩
圭玉承璫藉碧鏤飾衣簪中壇土五色夏松露浮々
改容事明神豈謂茲淹留

明世容謏薄依光秩散署束帶揖上官攝衣奉神御
泉冽器每滌芻豢牲亦茹循壇習登降趨位就表署
翼翼清祀脩濟々百辟助願神錫茂祉農功相蕃庶
賤臣捐俸稍牽犢耕鷄曙

元宰職大工太史繹帝載庶官服攸司同寅承聖代
赫奕旂常華議禮出藻繪齊宮熏沐居衣裳步鳴珮鞭
榜吏牘急投足有彈劾乃知容臺貴終日俎豆內

齋宮蔚清華前榮畫方壺古礎石夫容日景射銅鋪
嘉木蔭長夏階草宜露濡兵衛限囂雜簷經懸蜘蛛署
書督染盛設吏視茅苴端居見博士希武循庭除

樂工奏宮懸登歌布漢功祠官侍奠瘞靈輶下玄穹
祝辭求善歲侑我棣與種棣種及人饑報祀百禮隆
瑣々大社令樂職朝上公

古意